

# CHymne – Project "Nov text da l'imni naziunal svizzer"

Tscherna dal presidi da giuria

**(cp) Per giuditgar il nov imni naziunal planisà vegnan las suandantas persunalitads a presidiar la giuria: Christine Beerli (Svizra tudestga), Patrizia Pেসenti (Svizra taliana), Pierre Kohler (Svizra franzosa), Oscar Knapp (Svizra rumantscha)** Il 1. d'avust 2012 ha la Societad svizra d'utilitad publica (SSUP) sco organisatura da la festa naziunala sin il Ruetli proponì da lantschar ina concurrenza per in nov text da l'imni naziunal svizzer. Pliras personas e gruppas d'interess èn s'exprimidadas positivamain davart questa idea dapi lura. Davart la dumonda d'ina nova melodia èn las reacziuns differentas.

Il preambel da la Constituziun federala svizra furma la basa dal text per il nov imni naziunal:

*"En num da Dieu il Tutpussant! Il pievel svizzer ed ils chantuns [sa dattan la se-*

*quenta constituziun] – en lur responsabladad envers la creaziun, cun l'intenziun da renovar la lia, per mantegnair la libertad e la democrazia, l'indipendenza e la pasch en solidaritad ed avertadad vers il mund, cun la voluntad da viver lur varietad en l'unitad en toleranza e respect vicendaivel, conscients da las prestaziuns comunablas e da la responsabladad envers las generaziuns futuras, savend che liber è be quel che dovra sia libertad e che la fermezza dal pievel sa mesira vi dal bainstar dals flaiVELS."*

La melodia da l'imni naziunal actual duai da princip esser reconuscenta en il nov imni.

L'atun 2013 vegn il presidi da giuria a tscherner circa 20 ulteriurs commembers da la giuria. La giuria vegn a consistenter da represchentantas e represchentants

dad associaziuns culturalas, da federaziuns da sport e dad experts da litteratura e da musica. Sper la giuria vegn ins a furmar er in comité da matrunadi e patru-nadi cun persunalitads da la politica, l'economia, la cultura e las medias.

Il reglament da la concurrenza definitiv ed il formular d'annunzia vegnan mess en l'internet il 1. da december 2013: [www.ruetli.ch/CHymne](http://www.ruetli.ch/CHymne); [www.sgg-ssup.ch/CHymne](http://www.sgg-ssup.ch/CHymne); [www.hymnenational.ch](http://www.hymnenational.ch); [www.innonazionale.ch](http://www.innonazionale.ch)

Il 1. da schaner 2014 cumenza la concurrenza da l'imni. Las contribuziuns pon vegnir inoltradas enfin la fin da zercladur 2014. Ils victurs vegnan elegidas l'atun/l'enviern 2014.

Il 2015 vegn il project dal victur surdà al Cussegl federal cun la supplica da fixar il nov text e la nova melodia per l'imni naziunal futur.